

四庫全書

史部

欽定四庫全書

史部

硃批諭旨卷一百四至
七

臣 永瑤恭校

編修臣 纂譙覆勘

總校官中書臣 朱 鈐

校對官中書臣 朱 忻

膳錄監生臣 潘 機

欽定四庫全書

硃批諭旨卷一百四

硃批尚濬奏摺

廣東潮州總兵官臣尚濬謹

奏為覆

旨事竊臣蒙

皇上命臣口傳

諭旨與總督楊琳當即

陞辭星夜南行於九月十五日抵潮屬程鄉縣界接印
於二十一日抵省傳

旨督臣楊琳楊琳跪聆

聖諭感激涕零除督臣另摺謝

恩外臣謹將傳過情由恭摺上

聞至左翼鎮總兵移駐順德縣一事臣已傳

旨與督臣楊琳撫臣年希堯署提臣吳成龍俟公同妥

議合疏另行具

題外相應一併聲明再

聖諭戰船一項臣至省時適值春江協平海營大鵬營

駕大修已竣戰船八隻到省臣隨

欽差兵部郎中圖理琛暨督撫司道諸臣一同登船閱
看船身器具皆堅固完整為此繕摺上

聞謹

奏

不可通同欺蔽即使爾闔省一氣共相隱瞞朕亦另有

訪聞之道凡百處但知有君而不知有友始不愧為國
家臣子爾其欽承朕諭毋違

廣東潮州總兵官臣尚濬謹

奏為據實奏

聞事竊臣查現行則例中總兵准食隨丁糧六十分臣
從前因家口繁多於定例六十分外多收三十七
分又潮屬九營向有四季節禮每節三百二十兩
臣到任後只量收二節實為

國法之所不容今

皇上如天大德推心置腹臣若不以實情上

奏罪更難逭沉蒙

聖恩不加罪責而惟以有則改之無則加勉諄諄

訓諭臣聞

命之下感激涕零一經接印視事即將三十七分名糧
盡行募補屬員節禮亦明張曉諭禁止惟有潔已
奉公精勤率屬操練兵馬緝盜安民以仰報

皇恩於萬一耳為此謹

奏

類此瑣屑之事朕無暇計較但欲爾等實心為國家出力做千年不朽之名臣良將是朕之所願也況潔已與否朕自有覺察亦不待爾陳奏頃於爾陛辭後聞人言爾素性少覺尚氣嗣後一切處當忍耐含容和平是務

廣東潮州總兵官

臣尚濬謹

奏為恭報年成事竊臣訪聞潮州夏禾今歲十分豐

收米價每石七錢八錢不等七月間雖有水患而
秋禾初插未至淹沒水退即滋生茂盛秋成加倍
至潮屬海陽縣水勢較大衝決隄防幸而潮州有
南北兩隄南隄關係四縣皆得完固北隄少有衝
決而出海甚近不至旁溢橫流田禾民舍俱不被
災惟近河數處之柴場草舍併傍岸之塘屋煙墩
不無衝壞今已經修葺其自程鄉縣經惠州至廣
州千有餘里秋禾皆十分繁碩合將臣所轄地方

年成繕摺奏

聞謹

奏

所奏知道了惟宜據實直陳不可絲毫粉飾

廣東潮州總兵官臣尚灤謹

奏為敬陳管見事竊臣西秦下士奔走戎行有何知

識可佐

高深但事有若類瑣屑而實足以鼓舞軍心整齊營伍

者因不揣愚昧為我

皇上陳之

一兵丁內之鎗手礮手宜予以進身之階也查軍器中鎗礮之用可以致遠故軍營火器從來最重今行伍內拔補把總惟取弓箭而鎗礮手每不得與臣歷任浙閩見營兵因弓箭生疎改調鎗礮則人人共恥甚至甘棄其糧而不食粵省亦然總因無上進之階也若令得與弓箭手間補把總得官

後亦令學習弓箭則自必朝夕操練施放有準而火器倍精熟矣

一發回原任年滿千總之無須補用也查千總有六年俸滿赴京考選之例其已經選取分發各省補用者

皇上猶恐該弁廢弛弓馬技藝生疎仍令督撫諸臣再加試驗不必盡拘部發名次題補現在遵行在案臣竊思發回原任補用者其技藝已屬平常若再

加守候日久縱使補用不能保其不至廢弛頽惰
在

皇上念其效用有年不忍遽斥莫若加以守備職銜使
之榮身歸里則彼既仰沐

皇恩而營中得另拔技精年壯者以資操演庶軍旅倍
加振作矣如果臣言可採伏惟

睿鑒施行謹

奏

覽所條奏似乎得理總理事務王大臣會同兵部議奏
朕意不但鎗礮手當議即水師營兵弁精熟長鎗挑刀
而弓馬生疎者亦當入議但我朝開國以來以弓馬為
制勝之具若將各種技藝並重或恐軍士分心弓馬之
習不專耳可加意斟酌詳議具奏

諭尚濬知朕閱爾所奏二條甚屬有理已交發王大臣
會議矣發議時將爾銜名裁取留中以免年滿千總輩
日後致怨於爾也

廣東潮州總兵官臣尚灤謹

奏為據實恭報年成以慰

聖懷事竊臣供職粵東已經四載粵省每年沐

皇上洪恩歲登大有以故地方衣食有資農商樂業山
無伏莽海不揚波近來潮州米價大斗每石不過
八錢鄰郡州縣貴賤雖畧有不同其價值相去亦
甚無多正二月間頗少雨澤吏民方事禱求乃甘
霖立沛東作皆興刻下已四野青葱預卜豐年之

兆矣為此恭摺奏

聞謹

奏

覽奏深慰朕懷但必無絲毫粉飾方免虛偽之咎據云
粵民衣食有資農商樂業若然因何盜案繁多耶戢盜
安民為第一要著勉之

廣東潮州總兵官

臣尚濬謹

奏為恭繳

硃批奏摺叩謝

天恩事竊臣於本年四月間敬陳管見一摺恭報年成一摺荷蒙

硃批臣跪讀再三不覺感激涕零夫為臣之道原係分毫不可粉飾

聖訓煌煌臣敢不夙夜凜遵粵東盜賊向來較他省頗多近來督撫提諸臣仰遵

上諭實力懲治稍知斂迹而臣所轄潮州一帶地方又

較他府似覺安寧今蒙

聖訓臣惟有益矢冰兢以緝盜安民為第一要事至於
所奏二條

皇上硃批閱爾所奏二條甚屬有理已交發王大臣會
議矣發議時將爾銜名裁取留中以免年滿千總輩
日後致怨於爾也欽此臣自問何人乃沐

聖主體恤周詳一至於此雖捐糜頂踵不足報稱於萬
一也謹將

御批二摺恭繳伏惟

睿鑒謹

奏

知道了凡爾所奏無論允行與否皆不必疑畏但有見聞即據實上陳可也

廣東潮州總兵官臣尚濬謹

奏為恭繳

硃批叩謝

天恩事竊臣於雍正二年九月間恭繳

御批奏摺蒙

恩批發到潮臣叩頭跪讀感激難名伏念臣賦性愚蒙
妄陳末議自愧毫無裨益

聖主不加譴責已為萬幸乃轉恐微臣疑畏

溫旨特頒併許但有見聞只管據實上陳格外

天恩古所未有臣恪遵

聖諭遇有見聞應奏事宜即行陳請以盡愚衷臣聞今

歲五月間廣州屬縣之增城龍門從化交界地方
緣山深水汊頗有盜賊出沒督撫諸臣現在嚴飭
文武會同擒緝今已次第就擒緣地方事宜既有
聞見不敢不據實奏

聞所有奉到

硃批理合恭繳謹

奏

所奏知道了此事據孔毓珣亦經奏過且云兵弁不無

欽定四庫全書

硃批諭旨

卷一百四

十

帶傷云云

廣東潮州總兵官臣尚濬謹

奏為恭請

聖安以伸孺慕事竊臣自雍正元年七月入覲
天顏經今三載眷戀殊深謹遣家人齎摺恭請
聖安以伸孺慕之私伏惟

睿鑒謹

奏

爾前於陛見時即蒙朕之嘉許且爾之年力正好為國家報效之時當勉之又勉慎之又慎不可絲毫放縱懈弛須努力做一千百年不朽之人物方為不負朕之任用也

摺用黃綾殊覺可惜改用黃紙尚可物力當惜何必作無益之費敬君全不在此也

廣東潮州總兵官臣尚濬謹

奏為據實摺奏事竊查潮州地方因去年秋間田禾

成熟之候雨多溪漲未免歉收今歲入春以來陰
雨連綿青黃不接以致米價日騰每米一斗價銀
三錢二三分人心惶惑臣即會同在府有司將常
平倉穀一萬餘石礱米平糶臣復捐資差家人並
招商各處採買隨即降至二錢八九分一斗猶恐
未足接濟因具咨會商督撫二臣現在那撥隣近
惠州府長樂興寧二縣倉穀各五千石到潮平糶
將來米價自然可平今三月望後天氣晴和四月

初田苗全插又有番薯一種粵東以此作飯亦皆
發生將來民食自可無虞臣又恐貧民無錢糶買
終不免於懸釜之憂現在同有司捐俸煮粥賑饑
以推廣

皇上惓惓愛民之至意為此繕摺據實奏

聞謹

奏

爾以管兵職任肯如此實心為地方措畫朕甚嘉之既

為封疆大臣軍民原係一體何分文武一切事宜自應和衷商酌為之但須據實無欺言行相符不可徒粉飾於章奏之間以邀取嘉獎也

廣東潮州總兵官臣尚灤謹

奏為恭繆

御批事竊臣於本年四月間恭請

聖安一摺又報聞米價一摺荷蒙

硃批臣跪讀再三不勝奮興鼓舞伏念臣賦性愚魯幸

叨

教育得任封疆雖年齒壯盛圖報心殷而千百年不朽
之人物恐非駕駘下質所能企及然以

聖主期望之殷臣惟有努力奉行勉圖上進若夫軍民
一體文武和衷言行相符不可粉飾此无官常之
要道臣已勒諸心版凜遵恪守以冀仰報

高深於萬一耳所有奉到

硃批理合恭綴謹

欽定四庫全書

硃批諭旨

卷一百四

十三

奏

不在空言只看力行何如耳

廣東潮州總兵官臣尚灤謹

奏為敬陳末議事竊臣荷蒙

聖恩優渥報稱末由但才雖短淺志切急公凡關於

國計民生無不竭力圖維以期裨益故敢以芻蕘之

見為我

皇上陳之一有案盜匪武弁與文員宜一體稽查一有

舒兼撥高廉二府倉穀五萬石從海起運四月終
必然到郡當此青黃不接之時正資接濟而刻下
稻花徧秀四野青葱五月終便可登場是偶歉之
餘還成大有無煩

聖主南顧之憂也為此據實奏

聞伏惟

睿鑒謹

奏

潮州情形早已知悉覽此奏朕懷稍慰

廣東潮州總兵官臣尚潔謹

奏為恭繳

御批奏摺事竊臣恭請

聖安一摺又敬陳末議一摺俱荷

硃批臣跪讀再三十分惶悚夫人臣盡職當務力行不

在空言今

聖諭諄切惟有欽遵祇凜潔已奉公至於清積匪一議

緣彼時尚未聞奉

旨嚴行保甲之法故敢以末議瀆陳乃年來保甲既嚴

不過

少減耳盡化恐未必然

姦徒盡化凡屬將弁但使巡查防禦地方便可寧

閭廣

謚漁船一議芻蕘之見自不及從前酌定成規即

武弁

武弁之貪風未革朕常耿耿於懷亟當竭力剔除

索所在仍有今現奉

聖旨清查

臣惟首先潔已併嚴飭將弁不許畧染絲毫

言之似易斯豈易事耶

上負

國恩其摺中有一二欠妥協之處蒙

聖德如天恕臣愚昧不加罪譴臣雖捐糜頂踵難報

高深茲已奉

現今楊文乾在京候朕與伊而酌可否總之有治人無

旨與督撫二臣商酌皆謂惟恪守

治法若肯實力奉行何例非善政若仍徇私網利何善

聖訓便盡臣職不必再議施行矣理合具摺奏

政非弊藏惟以得人為難事耳

聞併繳

硃批謹

奏

覽

廣東潮州總兵官臣尚濬謹

奏為恭繳

御批奏摺事竊臣前奏奉行保甲盜即潛蹤事蒙

御批不過少減耳盡化恐未必然欽此愈見

聖不自聖治益求治之至意又

御批閩廣武弁之貪風未革朕常耿耿於懷亟當竭力

剔除言之似易斯豈易事耶

天語煌煌臣惟竭力奉行告戒屬員洗心滌慮屏絕苞

苴以期仰遵

聖教當此

聖明在御若不思改心易慮以共勦至治亦何顏自立
於人世乎所有奉到

硃批理合恭繳謹

奏

勉乏爾居官聲名甚好整理營伍訓練士卒諸凡實心
任事處朕皆知之但聞爾與文員多不相睦地方上文

武不和則於兵民無益大抵兵民官弁中善良之輩皆樂於文武和衷相安無事不肖之徒每不喜安靜從中播弄唆挑此一著須要看破方好毋被小人所愚且天下事果能恪秉一公斷無不和之理不和之故率因私心勝耳當竭力加勉朕觀武人多以尚氣自相矜詡此戎行中一大病也更當盡除此種鄙習勉之勉之

廣東潮州總兵官臣尚濬謹

奏為恭繳

御批奏摺事竊臣謏劣庸材總戎東粵於今八載朝夕兢兢蒙

皇上不加擯斥

溫旨時頒曲示裁成如天覆育茲又蒙

硃批勉力實心四字已統包前聖誥誡人臣之旨臣雖識淺才疎敢不潔已奉公以仰承

聖訓之煌煌乎至據實覆奏一摺欽奉

硃批臣跪讀之下涕泗交零惟圖殫心竭力以上報

皇恩於萬一耳為此恭繳

硃批伏惟

睿鑒謹

奏

凡所奏陳貴無欺隱少有增飾反失其真惟以據實為要勉之

廣東潮州總兵官臣尚濬謹

奏為恭報年登大有羣沾

聖澤事竊查潮州今歲入春以來風雨調順二麥收成
倍於往歲兼之番薯菜蔬俱各茂盛米價每石值
銀五錢茲屆春杪夏初早秧徧插四野歡騰行旅
無驚戶不夜閉為此具摺據實上

聞謹

奏

風雨調順秧苗遍插深慰朕懷然必俟秋稼登場後方
可定一歲之收成

殊批諭旨卷一百四